

七惡並臻則惡之極矣

李氏曰疽初發一粒如麻豆發熱腫高熱痛色赤此爲外發勢雖熾盛治得其法可保其生若初時不發熱體倦怠患處如故數日不腫痛內臟已壞雖有盧扁之藥亦末如之何矣

立齋曰前證有因元氣虛而不能發出者有因敷貼寒藥而不能發出者有因攻伐過傷氣血而不能發出者有因熱毒內蘊而失踈托者審而治之多有生者

總論治法

七

瘡瘍之治有宜瀉者有宜補者有宜發散者有宜調營解毒者

因證用藥各有所主經曰形氣有餘病氣有餘當瀉不當補
形氣不足病氣不足當補不當瀉此其大綱也故凡察病之
法若其脉見滑實洪數而炊腫痛甚煩熱痞結內外俱壅者
方是大實之證此其毒在臟腑非用硝黃猛峻等劑蕩而逐
之則毒終不解故不得不下然非有真實真滯者不可下此
下之不可輕用也其有脉見微細血氣素弱或腫而不潰潰
而不斂或飲食不加精神疲倦或嘔吐泄瀉手足常冷膿水
清稀是皆大虛之候此當全用溫補固無疑矣然不獨此也
卽凡見脉無洪數外無煩熱內無壅滯而毒有可慮者此雖

非大虛之證然察其但無實邪便當托裏養營預顧元氣何也蓋恐困苦日久或膿潰之後不待損而自虛矣及其危敗臨期能及哉故丹溪云癰疽因積毒在臟腑宜先助胃壯氣以固其本夫然則氣血凝結者自散膿瘀已成者自潰肌肉欲死者自生肌肉已死者自腐肌肉已潰者自斂若獨攻其瘡則脾胃一虛七惡蜂起其不死者幸矣卽此謂也其有脉見緊數發熱憎寒或頭痛或身痛或四肢拘急無汗是必時氣之不正外閉皮毛風熱壅盛而爲癰腫此表邪之宜散者也如無表證則不宜妄用發散以致亡陽損衛故仲景曰瘡

家不可汙此之謂也其有營衛失調氣血留滯而偶生癰腫
但元氣無損飲食如常脉無凶候證無七惡此其在腑不在
臟在表不在裏有熱者清其熱有毒者解其毒有滯者行其
氣所當調營和衛而從平治者也夫都瘡瘍一證得陽證而
病氣形氣俱有餘者輕得陰證而形氣精氣俱不足者重若
正氣不足而邪毒有餘補之不可攻之又不可者危若毒雖
盡去而脾腎已敗血氣難復者總皆不治之證故臨證者當
詳察虛實審邪正辨表裏明權衡倘舉措畧乖必遺人大害
斯任非輕不可苟也

王海藏元戎曰若人氣血壅盛營衛充滿抑遏不行腐化而爲癰者當泄之以奪其盛熱之氣若人飲食少思精神衰弱營衛短瀯寒搏而爲癰者當補之以接其虛怯之氣丹溪亦曰腫瘍內外皆虛宜以補接行散爲主

東垣曰瘡疽之發其受之有內外之別治之有寒熱之異受之外者法當托裏以溫劑反用寒藥則使皮毛始受之邪引入骨髓受之內者法當踈利以寒劑反用溫藥托裏則使骨髓之病上徹皮毛表裏通潰共爲一瘡助邪爲毒若楚百倍輕則危殆重則死矣○病機機要云內之外者其脉沉實發熱

煩躁外無愀赤痛深於內其邪氣深故宜疎通臟腑以絕其
源外之內者其脉浮數愀腫在外形證外顯恐邪氣極而內
行故先宜托裏也內外之中者外無愀惡之氣內亦臟腑宜
通知其在經當和營衛也用此三法之後雖未卽瘥必無變
證亦可使邪氣峻減而易愈故治瘡大要須明此托裏疎通
和營衛之三法

陳良甫曰諸痛痒瘡瘍皆屬心火前輩云癰疽多生於丹石房
勞之人凡人年四十以上宜先用內托散次用五香連翹湯
更以騎竹馬法或隔蒜并明灸足三里以發泄其毒蓋邪之

所湊其氣必虛畱而不去其病乃實故癰疽未潰則一毫熱藥斷不可用癰疽已潰臟腑既虧一毫冷藥亦不可用猶忌敷貼之藥閉其毫孔若熱渴便閉脉沉實洪數者宜用大黃等藥以泄其毒後以國老膏萬金散黃礬丸遠志酒之類選而用之

立齋曰按前證若熱毒蘊於內大便秘結元氣無虧者宜用大黃等藥泄其熱毒若陰虛陽奏精虛氣怯脾胃虛弱者宜用甘溫之劑培其本源若瘡不焮腫不作膿者雖其未潰仍須溫補若瘡已潰而腫不退痛不止者仍宜清涼之劑治之若

病急而元氣實者先治其標病緩而元氣虛者先治其本或
病急而元氣更虛者必先治本而兼以治標大抵腫高欬痛
膿水稠粘者元氣未損也治之則易漫腫微痛膿水清稀者
元氣虛弱也治之則難不腫不痛或漫腫色黯不潰者發於
陰也元氣虛甚理所不治若腫高欬痛者先用仙方活命飲
後用托裏消毒散漫腫微痛者宜托裏散如不應加薑桂若
膿出而反痛氣血虛也八珍湯不作膿不腐潰陽氣虛也四
君加歸芪肉桂不生肌不收斂脾氣虛也十全大補加薑桂
肺熱肉熱陰血虛也四物加參朮欲嘔作嘔胃氣虛也六君

加炮薑自汗盜汗五臟虛也六味丸加五味子食少體倦脾
氣虛也和中益氣加茯苓半夏喘促欬嗽脾肺虛也前湯加
麥門五味欲嘔少食脾胃虛也人參理中湯腹痛泄瀉脾胃
虛寒也附子理中湯小腹痞足脛腫脾腎虛弱也十全大補
加山茱山藥肉桂泄瀉足冷脾腎虛寒也前藥加桂附熱渴
淋閉腎虛陰火也加減八味丸喘嗽淋閉肺腎虛火也補中
益氣湯加減八味丸凡此變證皆因元氣虧損失於預補所
致○又曰凡瘡瘍用藥當審其經絡受證標本虛實以治之
不可泥於熱毒內攻專用寒涼剋伐之劑虧損脾胃氣血多

致有誤且以虛弱之人用峻利之藥則藥力未到胃氣先傷
虛虛之禍有所不免故凡元氣不足者卽治其初患更當內
用參芪歸朮溫補脾胃外用桑枝葱熨接補陽氣使自消散
又曰凡癰疽腫痛初生便覺脉沉細而煩悶臟腑弱而皮寒
邪毒猛暴恍惚不寧外證深沉者亦當卽用托裏散及溫熱
之劑以從治之○又曰前證若發熱煩渴大便秘結者由邪
蓄於內宜內疎黃連湯以泄內毒若頭痛拘急發熱惡寒者
由邪客於外宜人參敗毒散以散表邪若腫痛焮赤發熱作
渴此毒氣凝於肉裏宜仙方活命飲解散其毒若食少體倦

發熱惡寒此中氣虛弱宜六君子湯以補脾胃○又曰大抵證有本末治有權宜治其主則末病自退用其權則不拘於時泥於守常必致病勢危甚况雜用攻劑動損各經乎羅謙甫云守常者衆人之見知變者智者之事知常而不知變因細事而取敗者多矣

凡癰疽實證不可溫補虛證不可涼瀉此大法也觀前條陳良甫曰凡瘡瘍未潰一毫熱藥斷不可用癰疽已潰臟腑已虧一毫冷藥亦不可用又立齋云若腫焮痛甚煩躁脉大寒熱往來大便秘結小便澀痛心神憤悶皆邪熱之證凡辛熱之

劑不但腫瘍不可用雖潰瘍亦不可用也此固然矣然二公已道其半猶未盡也余讀之曰凡癰疽陰盛陽衰者但見體虛脉弱陽氣無權等證則凡苦寒之劑非惟潰瘍不可用卽腫瘍亦不可用也又若陰邪凝結之毒非用溫熱何以運行而陳氏謂腫瘍不可用熱藥恐不可以槩言也

敗毒

外科樞要曰瘡瘍之證當察經之傳受病之表裏人之虛實而攻補之假如腫痛熱渴大便秘結者邪在內也疎通之燉腫作痛寒熱頭疼者邪在表也發散之燉腫痛甚者邪在經絡

也和解之微腫微痛而不作膿者氣血虛也補托之漫腫不
痛或不作膿或膿成不潰者氣血虛甚也峻補之色黯而微
腫微痛或膿成不出或腐肉不潰陽氣虛寒也溫補之若泥
其未潰而驟用敗毒復損脾胃不惟腫者不能成膿而潰者
亦難收斂七惡之證蜂起多致不收馬益卿曰腫瘍內外皆
壅宜以托裏表散爲主如欲用大黃寧無孟浪之非潰瘍內
外皆虛宜以托裏補接爲主如欲用香散未免虛虛之失治
者審之

托裏

九

齊德之曰凡瘡疽丹腫結核瘰癧初覺有之卽用內消之法經
久不除血氣漸衰肌寒肉冷膿汁清稀毒氣不出瘡口不合
聚腫不赤結核無膿外證不明者宜托裏膿未成者使膿
早成膿已潰者使新肉早生血氣虛者托裏補之陰陽不和
托裏調之六抵托裏之法使瘡無變壞之證凡爲瘡醫不可
一日無托裏之藥然而寒熱溫涼煩渴利嘔臨證宜審其緩
急耳

馬益卿曰癰疽因積毒在臟腑當先助胃壯氣使根本堅固次
以行經結血藥爲佐參以經絡時令務使毒氣外泄治之早

首可以內謂此托裏之旨也

立齋曰大凡瘡瘍之作由胃氣不從瘡瘍之潰由胃氣腐化瘡瘍之歛由胃氣營養余嘗治初結未成膿者托而散之已成欲作膿者托而腐之膿成未潰者托而開之膿已潰者托而歛之東垣云脾爲倉廩之官胃爲水穀之海主養四旁以生血氣故胃氣乃生發之源爲人身之本厥有旨哉

論汗下 十

仲景治傷寒有汗吐下三法東垣治瘡瘍有疎通托裏和營衛之三法用之得宜厥疾瘳矣假如瘡瘍腫硬木悶煩熱便秘

脉沉而實其邪在內當先疎其內以下之歟腫作痛便利調
和脉浮而洪其邪在表當先托其裏以汗之仲景曰瘡家雖
身體疼痛不可發汗汗之則發瘡苟不詳審而妄爲汗下以
致血氣虧損毒反延陷少壯者難以潰歛老弱者多致不救

見外科
樞要

羅謙甫云丁巳歲冬月子從軍曹州有牛經歷者病頭目赤腫
耳前後尤甚疼痛不可忍發熱惡寒牙關緊急涕唾稠粘飲
食難下不得安臥一瘍醫於腫上促刺四五百鍼腫亦不減
其痛益甚莫知所由予往診視其脉浮緊按之洪緩此證乃

寒覆皮毛鬱遏經絡熱不得散聚而爲腫經云天寒則地凍
水冰人氣在身中皮膚緻密腠理閉汗不出氣血強肉堅滯
當是之時善行水者不能往冰善穿地者不能鑿凍善用鍼
者亦不能取四厥必待天溫凍解而後水可行此可穿人脈
亦猶是也又云冬月閉藏用藥多而少鍼石也宜以苦溫之
劑溫經散寒其病自已所謂寒緻腠理以苦發之以辛散之
也遂用托裏溫經湯依方餌之以薄衣覆其首以厚被覆其
身臥於煖處使經血溫腠理開寒氣散陽氣升大汗出後腫
減八九再服則去麻黃防風加連翹鼠尾于腫痛悉愈經言